



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**

Broj: 22-04-44-2179/18  
Sarajevo, 11.10.2018. godine

**PREPORUKE PRAVNIM I FIZIČKIM LICIMA**  
**ZA PREDUZIMANJE PREVENTIVNIH MJERA ZAŠTITE I SPAŠAVANJA OD POPLAVA**

Budući da je tokom jesenjeg perioda povećana opasnost od obilnih kišnih padavina i naglog porasta vodostaja na rijekama i drugim vodotocima, uslijed čega može doći do poplava, u cilju sprječavanja nastajanja poplava većih razmjera, odnosno plavljenja stambenih i drugih objekata, obradivog i drugog zemljišta, oštećenja saobraćajnih komunikacija, vodovodne i komunalne infrastrukture kao i zaustavljanja svih životnih tokova koje mogu izazvati ove kao i druge prirodne pojave - nesreće, ovim putem preporučujemo svim pravnim i fizičkim licima da preventivno radi zaštite zdravlja i života ljudi, te materijalnih i kulturnih dobara **ODMAH** preduzmu preventivne mjere zaštite i spašavanja od poplava, koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10).

**Posebno apelujemo na nadležne organe u opštinama sa područja Kantona Sarajevo, da ODMAH preduzmu slijedeće preventivne mjere zaštite i spašavanja od poplava:**

- da izvrše preglede postojećih planova zaštite i spašavanja ljudi materijalnih dobara od prirodnih i drugih nesreća (dokumente tih planova koji se odnose na zaštitu i spašavanje na vodi i pod vodom, kao i drugih prirodnih pojava - nesreća) radi utvrđivanja da li su u njima predviđene sve potrebne mjere zaštite i spašavanja od gore navedenih pojava, te izvršiti ažuriranje tih planova;
- da organizuju svakodnevno osmatranje i praćenje stanja vodotoka, objekata i terena, a za potencijalno opasna područja planiraju i organizuju provođenje odgovarajućih aktivnosti (akcije čišćenje riječnih korita, odvodnih kanala, uređivanja obala, izgradnja nasipa, preusmjeravanje vodotoka, saniranje klizišta, komunalne infrastrukture i druge potrebne mjere), kako bi se opasnosti i štetna djelovanja vode preduprijedila, te da prate stepen realizacije tih mjera i aktivnosti;
- da unaprijede saradnju nadležnih organa civilne zaštite sa vodoprivrednim društvima i pravnim licima koji upravljaju vodnim objektima, radi redovnog i vanrednog praćenja vodostaja i pravovremenog informisanja građana o nailasku plavne vodene mase, kao i drugim nosiocima zaštite i spašavanja (komunalnim i građevinskim preduzećima, kajakaškim i ronilačkim klubovima, vatrogasnim jedinicama, policijom, medicinskim ustanovama, crvenim krstom, BIHAMK-om i dr.).

**Dostavljeno:**

- Naslovu
- a/a



web: <https://kucz.ks.gov.ba>  
e-mail: [kucz@kucz.ks.gov.ba](mailto:kucz@kucz.ks.gov.ba)  
Tel: + 387 (0) 33 257-330, 257-335  
Fax: + 387 (0) 33 257-336  
Sarajevo, Fehima efendiie Čurčića 1

